

S



LO

Di Pueblo


BRIYANDO FUERTE • TRECIENDO CLARIDAD

Diasabra 23 December 2023

BON PASCO



WWW.SOLODIPUEBLO.COM



SOLODIPUEBLO@GMAIL.COM

ACCIDENTE CU HENDE HERIDA NA SANTA CRUZ



ACCIDENTE ENTRE AUTO CUBROMMER CU HENDE HERIDA NA PALM BEACH



MINISTER MADURO TA SPLICA E CICLO DI RECUPERACION NA ARUBA DEN CUAL TIN CU FORTIFICA FINANSA PUBLICO PA POR BRINDA ALIVIO



POLIS A DETENE DOS HOBEN NA CATIRI



MINISTER URSELL ARENDS A CELEBRA PASCO HUNTO CU ADULTONAN MAYOR DI CLUB KIBRAHACHA

Ban uni y trece color na Aruba

E FIN DI AÑA AKI!

BON PASCO Y FELIZ AÑA NOBO!

Arubabank



POLIS A DETENE DOS HOBEN NA CATIRI



Diahuebs madruga polis atento a haya holor di marijuana for di un Nissan March. Mesora nan a sigui tras di e auto y a logra para nan. Polis

a detene dos hoben masculino y a encontra marijuana den e auto. Polis a confisca esakinan y a transporta e detenidonan pa Warda di Polis.

PROBLEMA ENTRE UN HOMBER Y DAMA NA HOOIBERG



Diaranson anochi laat a drenta informe di un problema na Hooiberg. Mesora a dirigi un patruya na e sitio. Na yegada di e patruya a bin compronde

cu lo tabata un problema entre un homber y un dama. Polis a intermedia y a tuma datos di e sucedido aki.



Serlimar
Serlimar S.G. ta informa tur cliente:
adaptacion di ruta residencial pa diana di fiesta venidero

Dialuna	25 dec'23	Liber
Diamars	26 dec'23	Liber
Diaranson	27 dec'23	Ruta di dialuna
Diahuebs	28 dec'23	Ruta di diamars
Diabierna	29 dec'23	Ruta di diaranson
Diasabra	30 dec'23	Ruta di diahuebs
Diadomingo	31 dec'23	Ruta di diabierna
Dialuna	1 jan'24	Liber
Diamars	2 jan'24	Liber
Diaranson	3 jan'24	Ruta di dialuna
Diahuebs	4 jan'24	Ruta di diamars
Diabierna	5 jan'24	Ruta di diaranson
Diasabra	6 jan'24	Ruta di diahuebs
Diadomingo	7 jan'24	Ruta di diabierna

Tuma nota cu nos lo cuminsa traha 2:30 am riba e siguiente fechanan 22, 29, 30 y 31 december 2023 y 6 & 7 di januari 2024

Prome Minister Evelyn
Wever-Croes:
**PROME MINISTER
TA REUNI CU
REPRESENTE
DI HULANDA NA
ARUBA, SR. VINCENT
STORIMANS**



Prome Minister Evelyn Wever-Croes diaranson ultimo a reuni cu e representante di Hulanda na Aruba, sr. Vincent Storimans. Riba un base regular Prome Minister ta reuni cu representacion di Hulanda na Aruba.

Prome Minister a remarca cu e tawata un bon reunion cu palabracionnan concreto con pa yuda e comunidad di Aruba. A toca diferente tema en comun entre otro e relacion den Reino. Hulanda y Aruba ta na mesa ainda pa purba yega na un compromiso pa reduci e interes. E hecho cu e ley di LAft a wordo adapta ta un prome paso y ta cumpli cu un di e condicionnan y lo sigui papia riba e di dos condicion. Tambe a delibera riba diferente fondo financiero cu tin na Hulanda pa cual Aruba tin acceso y e posibilidadnan pa Aruba por yega na e fondonan aki pa a traves di e fondonan aki, haci mas ainda pa yuda comunidad di Aruba.

Prome Minister ta gradici señor Storimans pa informacionnan comparti.



Mensahe pa dianan di fiesta di Minister Xiomara Maduro di Finansa y Cultura

MINISTER XIOMARA MADURO DI FINANSA Y CULTURA TA DESEA PUEBLO DI ARUBA UN DUSHI TEMPORADA DI FIN DI AÑA CU E SIGUIENTE MENSAHE PA E DIANAN DI FIESTA

"Den e Fin di Aña aki, laga nos reflexiona riba locual ta brinda nos paz, ta laga nos sinti amor y ta trece alegria den nos curason.

Cu cada dia nos por ta un miho ser humano, dispuesto pa compronde otro y traha hunto pa desaroya un miho Aruba.

Cu atraves di gestonan yena cu cariño, tur dia nos por sinti y brinda amor na nos prohimo.

Cu nos por realisa cu e alegria den bida ta pa siña disfruta di e cosnan simpel di tur dia.

Bida ta un rato, pesey ta bale la pena pa tur dia nos busca e paz,

brinda e amor y trece e alegria den nos bida.

Cu e ambiente di Fin di Aña inspira nos pa yena nos hogarnan cu paz, amor y alegria.

Bon Pasco y Feliz Aña 2024!"



POLIS A BAY CONTROLA GRILLHOUSE PASOBRA E ALARMA A BAY ON



Diabierna madruga a drenta informe di cu e alarma di Grillhouse a bay on, mesora a dirigi un patruya na e sitio. Na yegada di e patruya a drenta revisa den e lugar pero no a haya nada kibra ni ningun indicacion cu nan a kibra drenta e lugar.

ORARIO SVb DIANAN DI FIESTA

Tur SVb su oficinanan ta cera riba dianan di fiesta. Servicio pa notifica AO ta limita.



25+26 di december 2023



MiSVbTrahado App: 7am - 11am



527 2782: 7am - 11am

No por yama pa dokter di control.

Prome cu por notifica AO via e MiSVbTrahado App mester traha un cuenta y haya confirmacion. Sino mester yama notifica AO na 527 2782.



SVb
SEGURIDAD PA ARUBA SU COMUNIDAD

20 23



FELIZ
Dianan di Fiesta
 Y
 PROSPERO
 2024

Cu e temporada aki brinda paz,
 amor y **energia positivo**
 den tur hogar



E regalo di Amor.
 E regalo di Paz.
 E regalo di Felicidad.
 Cu tur esaki y mucho mas
 ta di bo e Pasco aki.

Bon Pasco!



ACCIDENTE CU HENDE HERIDA NA SANTA CRUZ



Diahuebs mainta a drenta informe di un accidente cu hende herida banda di Mundo Nobo na Santa Cruz. Mesora a dirigi tanto polis como ambulans na e sitio. Na yegada di e patruxa a a bin compronde cu un pick up lo a bira dilanti un Suzuki Swift biniendo un poco duro y nan lo a accidenta. E impacto tabata fuerte cu



nan a dal riba un Yaris. Na yegada di e ambulans nan a atende cu e victimanan y a transporta un pa hospital. Polis a tuma datos di e accidente aki.

MINISTER URSELL ARENDS A CELEBRA PASCO HUNTO CU ADULTONAN MAYOR DI CLUB KIBRAHACHA



Diahuebs mainta Minister encarga cu asuntonan di adulto mayor, Sr. Ursell Arends a uni cu gran alegria na e celebracionnan festivo cu Club Kibrahacha Aruba. E evento tabata den conexion cu e temporada di fin di aña unda a comparti momentonan special y caluroso den compania di

nos grandinan.

Minister Arends a expresa un profundo gratitud pa e oportunidad pa pasa un momento agradabel cu nos adultonan mayor, enfatizando e importancia di e momentonan aki durante e temporada di Pasco. "Nos adultonan

mayor tin den nan un tesoro di sabiduria y experiencianan. Compartiendo e momento especial aki cu nan, no ta solamente un celebracion, sino un recordatorio di e importancia pa balora nan, asegurando cu nan sinti nan mes aprecia y keru durante e temporada alegre di fin di aña." Ministerio di Adulto Mayor ta mantene su compromiso pa fomenta un cultura di inclusividad y cuido pa nos aultonan mayor, encurashando tur hende pa honra nos adultonan mayor nan valioso aporte durante e temporada di fiesta.





Ministerio di Enseñansa y Deporte

Bon Pasco

Pasco ta un tempo di reflexion, gratitud y solidaridad. Cu e Pasco aki trece paz den boso curason, felicidad y bendicion den boso hogar y speransa pa futuro.

Minister di Enseñansa y Deporte
Endy Croes & Famia



Durante tratamiento di Presupuesto 2024: MINISTER MADURO TA SPLICA E CICLO DI RECUPERACION NA ARUBA DEN CUAL TIN CU FORTIFICA FINANSA PUBLICO PA POR BRINDA ALIVIO

Siman pasa Parlamento di Aruba a trata y a aproba e Presupuesto pa aña 2024. Durante e tratamiento di e presupuesto hopi Parlamentario tabata puntra si awo cu Aruba ta recupera, ki dia Pueblo tambe por ripara y sinti e recuperacion eyan den nan cartera. Minister Maduro di Finansa a splica cu e recuperacion di e economia y finansa di Aruba despues di e pandemia ta sosode den un ciclo di recuperacion cu ta consisti di cuater fase cu ta duna nan propio señal na Pueblo. Pa por duna alivio, prome tin cu fortifica e finansa publico na nos Pais, ya cu esey ta e paso den e ciclo di recuperacion di Aruba cu ta bin prome cu por brinda alivio na Pueblo.

Prome señal: turismo creciente

E mandatario di Finansa

a splica cu e prome señal di recuperacion por mira den cifra di turismo. Asina por mira tur noticia di Minister di Turismo, ATA, AHATA y AAA cu ta indica cu turismo ta creciendo y hunto cune e REVPAR ta bira mas halto y yegada di turista cu ta kibra record na nos aeropuerto.

Di dos señal: crecimiento economico

Den su splicacion na Parlamento Minister Maduro a indica cu e di dos señal di recuperacion na Aruba ta bin di crecimiento economico. Pronosticonan di Departamento Economico, Banco Central y Fondo Monetario Internacional IMF ta muestra un crecimiento economico basa riba dos 'digits,' esta un crecimiento economico mas halto cu 10% di nos GDP pa Aruba den aña 2023. Esaki por a wordo spera ya cu turismo

ta e motor di Aruba su economia, y si turismo ta bay bon, esaki ta lora economia di nos Pais.

Di tres señal: mehoracion finansa publico

Minister Maduro a sigui splica cu e di tres señal di recuperacion, ta bira visibel ora e finansa publico di Aruba cuminsa mehora debi cu turismo ta creciente, economia ta florece y Gobierno ta aplica disciplina presupuestario. Aruba pa hopi tempo a conoce deficitnan grandi den presupuesto pa cual a traha debe grandi pa por yena e buraco aki den nos finansa publico. Na fin di aña 2017 a trece un cambio den e maneho di finansa publico na Aruba y apesar cu e pandemia a trece cune un reto mas grandi financieramente, toch Gabinete Wever-Croes a tene su mes na un

disciplina presupuestario cu awe a produci surplus den Presupuesto 2023 y 2024 di Pais Aruba.

E di cuater señal: brinda alivio structural

Na momento cu como Pais bo ta fortifica bo finansa publico, bo por bay over na brinda alivio na Pueblo. Minister Maduro a splica Parlamento cu locual ta wordo haci na e monentonan aki ta pa fortifica e finansa publico na Aruba pa asina por traha un fundeshi fuerte pa por brinda alivio na Pueblo na un forma structural. E mandatario a splica cu pa hopi tempo na Aruba tabata tin e situacion na unda di un manera ad hoc ta brinda alivio. Tin biaha djies cu e meta pa gana eleccion y no pa duna un alivio permanente. E Minister a



splica cu desde aña 2019, Gabinete Wever-Croes ta haciendo cambionan fiscal den cual ta percura pa por trece alivio na Pueblo den un forma structural y no ad hoc. E mandatario a termina su splicacion bisando: "Mehoracion den finansa publico, traha cu surplus den presupuesto, ta locual ta bay brinda espacio fiscal pa asina por duna Pueblo alivio na un forma structural den aña 2025."

PICK-UP HORTA FOR DI SAN BARBOLA

Diahuebs madruga a drenta informe di un joyriding na San Barbola. Mesora a dirigi un patruya na e sitio.

Na yegada di e patruya abin compronde cu rond di 2or am.

Ta trata aki di un Pick Up Nissan A77327 color blanco. Polis a tuma datos di e susedido aki.



Den e temporada di Pasco aki y e sentimento cu aña 2023 ta yegando na su fin, mientras nos pais ta sinti e yegada di un aña nobo, laga nos como ciudadanonan uni, refleha riba e retonan cu hunto nos a supera y e logronan di bienestar cu hunto nos a realisa. Nos ta un pais realmente bendiciona.

Den temponan scur di crisisnan sin precedente, nos resiliencia a bria cla, recordando nos di e forsa determina cu ta bida den nos comunidad.

E Pasco aki, laga nos celebra e triunfonan cu nos a logra hunto y mira dilanti cu speransa.

Cu amor, speransa y union yena nos curasonnan cu alegria. Mi ta desea cada ciudadano di nos pais, un Pasco alegre y un Aña nobo yena di felicidad. Laga nos sigui conta nos bendicionnan y sigui construi riba e fundeshi firme di nos pais, pa un futuro prospero, harmonioso y bendiciona.

Evelyn Wever-Croes

NOS TA
UN PAIS BENDICIONA



Accidente riba lama a laga un hende herida



Diaranson merida a drenta informe di un accidente cu hende herida riba lama na Eagle Beach, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un waverunner lo a dal




un persona y ta kehando di dolor. Na yegada di a ambulans nan a atende e victima y a transporte pa hospital.

Accidente entre auto cu brommer cu hende herida na Palm Beach



cu a haya hopi rasca y a transporte pa hospital.



Diaranson anochi a drenta informe di un accidente entre un brommer cu un auto cu hende herida. Mesora a dirigi tanto polis como ambulans na e sitio. Na yegada di r patruya a

bin compronde cu auto a duna chens na e taxi pa bira y e motorciclista cu tabata mas patras no a ripara y nan a accidenta. Na yegada di e ambulans a atende e motorciclista

Cada sonrisa ta un regalo di felicidad pa mundo!
Bon Pasco yena di Salud, Bendicion, Amor y Union!
 FAMIA DI HOH

Horacio Oduber HOSPITAL NOS SEMPER T'EY!

Relato Ocean van Loon na Plantation Florida



Oranjestad Aruba
The 33rd Annual Speedo Winter Championships, hosted by Plantation Swim Team, was held on 7-10 of December in Florida USA. Over one thousand athletes participated, including

many swimmers from the Caribbean. During this swimming competition Aruba's athlete, Ocean van Loon from Stingray Swimming Team Aruba, managed to bring home several medals, 2 gold and 3 silver,

including a high point trophy 3rd place in his age group 13-14. We would like to dedicate some attention to this raising star. Ocean swims in Aruba in a metric pool (meters) whilst the pool in the states is in Yards. This was a challenge for him, but he managed an exceptional performance overall. Just recently Ocean was also nominated and won the Premio Excelencia den Deporte Award for the most exceptional athlete of his age group U13 2022. His grandparents Jan and Ria van Loon came to Aruba especially for this event. They are 80+ of age



and travelled at least 10 hours to visit our Happy Island one last time. Compliments to Minister Endy Croes and his team for allowing Ocean's grand parents to witness this very important and emotional event.

Ocean is now preparing for the next international swim event, Carifta 2024. This will be held in Bahamas March next year where he and his colleague swimmers will battle for more medals on behalf of Aruba.

ORACION DI DIA



Un dia yena di bendicion, amor, goso y paz di Señor.
Un poco tempo despues Maria a sali pura, bay bishita un cierto pueblo,
den e seronan di Huda. (Lucas 1,39)

Aki nos ta mira e encuentro entre dos mama cu kier apoya y yuda otro, den un temporada di cambian grandi den nan bida. Ambos ta duna otro man den amor y alegria y ta encanta nan mes riba trabao di Dios den

nan bida. No ta existi algo asina manera un amor spiritual puro. Amor berdadero ta encera henter e persona-su alma, su mente y su curpa.

Maria yena cu Spirito, pronto lo desemboca den un cantica cu nos ta yama Magnificat. Maria a trece Dios pa Elizabeth den su curason y den su scochi. Nos ta hiba Dios na tur hende cu nos ta topa y tur hende cu nos topa ta trece Dios pa nos. Maria a ser yama pa trece salvacion pa mundo.

Su prome pensamiento tawata pa bishita su prima mas bieu, cu tawata tin necesidad. Lo tin un persona cu lo tin mester di mi awe?

Nacemento, Dios Su regalo di e bida, fertilidad tawata semper santo pa e pueblo di Israel, y e mamanan tawatin un lugha special na mundo a traves di e historia santo- como portado di e bida.

Maria y Elisabeth ta surpasa otro den gradicimento.

Oracion : Señor, laga mi reconoze cada dia esun cu lo tin mester di nos ayudo. Amen

NOS MIHOR DESEONAN

Na tur trahado publico:
Boso dedicacion y cooperacion a contribui na un año di innovacion y progreso.

Bon Pasco y un
Feliz año 2024.



Accidente entre auto cu bicicleta na Shabururi



Diamars atardi a drenta informe di un accidente cu hende herida na Shabururi. Mesora a dirigi un patruya na e sitio.

trata di un accidente entre un auto y un bicicleta unda e auto lo a touch e bicicleta y e ciclista lo a cay. E auto lo a bandona e sitio. E ciclista a keda cu dolor di pia y ambulans a bin na e sitio pa atende.

Na yegada di e patruya a bin compronde cu aki lo ta

Clasificados

SOLODIPUEBLO@GMAIL.COM
CEL. 585 9500

May this holiday season inspire us to embrace kindness and open doors to new opportunities for everyone.

Happy Holidays!

We resume business on January 3, 2024

www.bancodicaribe.com

PRONOSTICO DI TEMPO

VALIDO TE DIASABARA 23 DI DECEMBER 2023, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO BREVE

POTENCIAL DI AWACERO PA PROXIMO 24 ORA:

1 TE 3 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA;

BASTA FUERTE TE POSIBLEMENTE FUERTE DEN RAFAGA;

TEMPERATURA (GRADO CELSIUS) MAX / MIN LO TA: 31 / 27

Persona haya sin bida na Hugo de Grootstraat



Diaranson merdia a drenta informe di cu tin un persona cu no ta duna señal di bida na Hugo de Grootstraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un persona masculino di fam C. di 68 aña cu no ta duna señal di bida y a pidi pres-

encia di ambulans y dokter na e sitio. Na yegada di e ambulans nan a constata cu e persona no ta halando rosea mas y a pidi pa dokter presenta na yegada di e dokter a constata morto di e habitante. Na famia di e fayecido Solo di pueblo y cuerpo policial ta extende nos mas sincero palabranan di condolencia.



En conexion cu e dianan di fiesta, nos oficina ta **cera desde dialuna, 25 di december 2023 te cu diamars, 2 di januari 2024**. Nos lo ta habri bek segun nos orario regular desde **diananson, 3 di januari 2024**.

APFA ta crea awe **balor pa mañan**

Polis a detene muher bao influencia tras di stuur



Diahuebs anochi a drenta informe di cu tin un auto Kia Rio blauw coriendo masha malo mes riba Sasakiweg bayendo Oranjestad, mesora a dirigi patruyanan pa para e auto aki prome cu e causa un accidente. Un otro informe a indi-

ca cu e auto aki a drenta E.J."Watty" Vos blvd. Na altura di e rotonde Madiki polis a logra para e auto. Eynan polis a ripara cu ta un muher tabata stuur e auto y ta bao influencia. Mesora polis a detene e chauffeur aki y a hib'e warda di polis.



*Bon Pasco
y un Prospero
Aña 2024*

*Cu paz, amor y alegria por reina
den cada cas y den tur curason
den e dianan di fiesta.*


Sra. mr. Xiomara Maduro
Minister di Finansa y Cultura

Accidente cu hende herida na Savaneta



Diahuebs madruga a drenta informe di un accidente cu hende herida dilanti S Chow na Savaneta.

Mesora a dirigi tanto polis como ambulans na e sitio. Na yegada di e patruya a bin compronde cu chauffeur di un Toyota Yaris lo no a regula velocidad ni mantene distancia y a dal tras di un Suzuki Swift. Na

resulta cu e chauffeur lo tabata bao influencia. Polis a detene e chauffeur y a transporte pa Warda di Polis.



yegada di e ambulans na a atende cu e chauffeur di e Toyota Yaris cu lo a dal su cabez den e windshield. Polis a hasi alco-test y a

resulta cu e chauffeur lo tabata bao influencia. Polis a detene e chauffeur y a transporte pa Warda di Polis.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

FORTALEZA PA FAMILIA

Scirbi pa Pastor Marcel Balootje.

CRISTO HESUS A BINI PA BUSCA Y SALBA ESNAN CU TA PERDI

Awor ta bon pa tur hende sa ken ta esnan cu ta perdi?

Nos tur tabata perdi pasobra nos tur a peca, Romanonan 3:23 ta para scirbi: Pasobra tur a peca y ta

falta e gloria di Dios.

Aki nan nos tur tin di comprende cu Cristo a bini pa salvacion di tur hende, pasobra Dios a stima e mundo. (Juan 3:16).

Awor e salvacion nos ta ricibi pa medio di gracia (Efesonan 2:8-9), ningun hnde no por haci nada riba nan mes pa nan wordo salba, ta un cos a keda nos tur, ta di kere den Cristo Hesus y wordo salba.

Juan 3:16 ta duna nos e bon noticia di e plan di salvacion, pero Juan 3:36 ta splica nos claramente kico ta pasa esnan cu a tende y a rechasa.

Tin hende ta kere cu nan ta biba asina lekker, asina comodo, cu nan no ta worry cu nan salvacion, cada biaha cu e palabra di Dios yega serca nan pa nan arrepenti y entrega nan bida na Cristo, nan ta pospone e oportunidad usando yen di excuus barata.

Pero bijbel ta splica nos cu ta dos caminda tin sea cielo of fierno, bo por pasa bida eterno den cielo of morto eterno den fierno y esey por sosode segun cada ken scohe.

Ta hopi cherchado y haciendo di bofon ta cana rond, hopi cu ta rechasa e palabra, hopi cu ta kere cu ora nan rechasa e palabra di Dios, ta e hende cu a trece pa nan, nan ta rechasa, sin sa cu ta Dios mes bo ta rechasa ora bo rechasa Su palabra.

Pesey Mi a bisa boso, cu

boso lo muri den boso picanan, pasobra si boso no kere cu ta Ami ta E, boso lo muri den boso picanan. (Juan 8:24).

Pasobra e Yiu di hende a bin pa busca y salba loke tabata perdi (Lucas 19:10). Den Revelacion 21:8 ta para scirbi cu e incredulo lo no drenta cielo, esaki ta nifica cu nos pica, por wordo pordona si nos ta kere den e Yiu unigenito di Dios, y asina nos por alcanza cielo, pero si nos no ta kere den e Yiu unigenito di Dios e ora ey si porta a sera pa nos.

Pasobra tur rudia mester dobla y tur lenga mester confesa cu Hesus Cristo ta Señor pa gloria di Dios Tata.

Tur esnan cu ta bisa cu no tin Dios, pa asina permanece den nan inmoralidad, malicia y maldad lo cosecha fierno como nan ultimo adres.

Awor nos por sondea pa nos mes cuanto necesidad nos tin como mayor pa dirigi nos yuinan y nos nietonan riba e caminda di Dios, cual ta e unico caminda di berdad y bida, pasobra mas nos tarda, nos

ta poniendo nos yiu na peliger, pasobra ningun hende sa e momento y e dia cu Cristo Hesus lo bini. Nos no por biba manera nos kier, y nos no por sirbi Dios con cu ta, pasobra Dios ta santo y Dios ta biba

den santidad. Nos mester agrada Dios, pasobra nos ta su yuinan, y un bon yiu semper lo agrada su mayornan.

Pesey ta hopi tristo mira hende peca boluntariamente of pusha otro den

pica y abominacion, sabiendo cu nan ta totalmente contra Dios, pasobra esey ta nifica cu temor di Dios no tey mas.

Cristo Hesus a bini pa busca y salba esnan cu ta perdi, esnan cu ta anhela



e misericordia di Dios den nan bida.

Nos mester hala serca

Dios, pasobra tempo ta malo y trabahoso y yena cu inmoralidad.



Cu honda pena Parlamento di Aruba a tuma nota di fayecimento di:

Sr. Dominico Tromp

Tata di miembro di Parlamento di Aruba,
sra. drs. Marisol J. Tromp

Parlamento ta desea su esposa, su yuinan y demas famia hopi forsa den e momentonan dificil aki.

Cu Dominico sosega na paz.

Den number di Parlamento di Aruba

De Griffier,
mr. drs. H.Ch.J. Hek

Presidente,
mr. E.G.A. Vrolijk